



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. II. Solvuntur objections

[urn:nbn:de:hbz:466:1-77132](#)

ARTICULUS II.

An in Deo sit desiderium in ordine ad bonam extrinseca;

§. I.

Referuntur sententiae, & vera eligitur.

Circa propositam difficultatem triplex versatur sententia. Prima docet, quod licet in Deo non sit appetitus, vel actus desiderii, in ordine ad bona intrinseca, utpote essentialiter ab illo possessa; bene tamen per ordinem ad extrinseca, quae non possidet essentialiter, & continet solum eminenter. Ita Vazquez disp. 84.c.1. Suarez lib. 3, de attributis positivis cap. 7. Alarcon Tract. 3, disp. 7. cap. 2. Alii adhuc inter bona extrinseca distinguentes, docent illa esse in duplice differentia; quadam dependentia à solo Deo, & quia ab illo solo tribuuntur, independenter à nostro consensu: alia verò quae Deus nobis confert, dependenter à nostro consensu: ut salus æterna, actus vitales, & similia; & in ordine ad bona prioris generis, excludunt desiderium à voluntate divina, in ordine vero ad alia illud admittunt. Ita Hericet tract. 2, disp. 3, cap. 1. & quidam alii Recentiores.

23. **V**erior tamen sententia oppositum docet, affirmans nec etiam in ordine ad bona extrinseca, cuiusvis generis sive conditionis sint, esse admittendum appetitum, vel desiderium in divina voluntate. Ita Capreolus in dist. 45. quæst. 1. Ferrariensis 1. cont. Gentes cap. 89. Nazarius, Gonzales, Granado, Arrubal, & alii, cum quibus dico, in Deo non esse desiderium, etiam in ordine ad bona extrinseca, cuiusvis generis, sive conditionis sint.

24. **P**robat conclusio ratione fundamentali. Desiderium est circa bonum non habitum, unde non dicimus desiderare bona que nobis realiter conjuncta sunt, sed de illis gaudium & delectationem habemus: Atque Deus totum bonum in se habet, nec potest bonitate aliquâ carere, sicut nec perfectione; alias nec summè bonus, nec summè perfectus esset: Ergo in Deo desiderium esse non potest.

Dices, quod quamvis Deus perfectissime possidat bona sibi intrinseca, illisque aliquando carere, maxima sit imperfectione: non tamen semper possidet bona extrinseca, nec illis aliquando carere, aliqua imperfectione est; unde quamvis in ordine ad bona intrinseca, non sit, nec possit esse in eo desiderium, bene tamen in ordine ad bona extrinseca.

25. **S**ed contra: Desiderium debet esse de bono, nec formaliter, nec eminenter præhabito: Sed Deus, ratione bonitatis increata & infinita, continet omnia bona creata & extrinseca, saltè eminenter: Ergo etiam respectu bonorum ad extra, non potest in Deo esse desiderium. Minor patet, Major autem sic ostenditur. Desiderium in ordine appetibili est sicut motus propriè sumptus, in ordine physico: Sed motus, cum sit actus imperfecti, petit subiectum esse in potentia, per negationem non solum continentia formalis termini, sed etiam continentia eminentialis, ut docent Philosophi 8. physic. ubi ex hoc principio probant, non posse idem esse secundum idem movens & motum: quia idem non

A potest esse in actu & in potentia in ordine ad aliquem terminum, quod requirebatur ut esset movens & motum; nam unumquodque movere secundum quod est in actu, moveretur a mente secundum quod est in potentia: Ergo appetitus vel desiderium petit bonum non haberi à desiderante vel appetente, nec formaliter, nec eminenter.

Confirmatur: Nemo potest dici desiderare illud quod in sua virtute & potentia perfectissime continet: Sed Deus omnia bona creata & extrinseca perfectissimè continet in sua virtute & potentia: Ergo non potest illa desiderare. Minor constat, Major probatur. Quando aliquis caret aliquo quod in sua virtute & potentia perfectissimè continet, idcirco eo caret, quia non vult illud habere, cùm possit: Sed nemo potest dici desiderare bonum illud quod non volueret cùm possit: Ergo nemo potest dici desiderare bonum illud quod in sua virtute & potentia perfectissimè continet.

Dicos cum Herice: Hoc argumento solum convinci, non posse Deum desiderare illa bona quae in ipsis sola sita sunt potestate; non autem illum non posse desiderare ea quae à nostra libertate dependent.

Sed contra: Idcirco nequit Deus bona primi generis desiderare, quia in ipsis potestate & virtute sunt possita: At etiam bona illa qua à nostra voluntate dependent, in virtute Dei perfectissimè continentur, cùm Deus, ut ait Augustinus, habeat cordium inclinandorum omnipotensissimam potestatem, magisq; habeat in potestate voluntates hominum, quam ipsi suas: Ergo ex ratione illa desiderare non potest.

Dices turtius: Quod quamvis ea sibi desiderare non possit, ed quod illa in sua potestate cōtineat, potest tamen nobis ea desiderare.

Sed contra: Spes aut desiderium non est de bono alterius, nisi quatenus bonum alterius est bonum desiderantis: unde propriè non potest nec desiderare aliquis alius, sed tantum sibi, ut docet D. Thomas 2.2. qu. 17. art. 3, ubi hoc dicimen constituit inter amorem & spem (etdem dicendū est de desiderio) quod amor, quia unio quadam est, potest terminari ad bonum alterius: spes vero, quia consistit in motu, motu autem semper est ad proprium terminum proportionatum mobili, directe respicit proprium bonum, non autem quod ad alium pertinet: Ergo &c.

§. II.

Solvuntur objectiones.

Obijicies primò: Spiritus Sanctus procedet amore sui: Sed talis amor desiderium est: Ergo datur desiderium in Deo, etiam in ordine ad bona intrinseca. Major est certa, Minor probatur. Talis amor non est gaudium de Spiritu Sancto: Ergo est desiderium illius. Consequenter patet, probatur Antecedens. Gaudium est debet, non potest & habito: Atque amor ex quo Spiritus Sanctus procedet, non est de illo ut possido, vel habito, sed habendo; cùm ex illo Spiritus Sanctus procedat, & consequenter non supponatur habitus vel possidens: Ergo amor ille, gaudium de Spiritu Sancto non est. Simile argumentum fieri potest de actu voluntatis divinae, quo causantur creature: Ille enim non potest esse amor specialiter datus, cùm terminetur ad alias, non secundum se solum, sed etiam ut futu-

tas. Nec etiam gaudium, nam illud terminatur ad suum objectum, ut possessum & habitum: esse autem creaturarum est posterius actu praeditio, cum ex illo causetur: Ergo est desiderium. Respondeo negando Minorē: Ad probationem, distinguo Majorem de bono posse & habito, praeviā ad amorem, nego Majorem. Praevidamorem, aut in vi illius, pro eodem instanti quo, concedo Majorem; & sub eadem distinctione Minoris, nego Consequentiam.

Explicatur solutio: Sicut de ratione notitiae intuitiva, non est praesentia objecti pro priori ad cognitionem, sed sufficit praesentia in eodem instanti, licet habita ex via cognitionis: ex quo inferunt Theologi, Verbum Divinum ex intuitiva sua cognitione procedere, & creaturas causari Deoper scientiam visionis: quia pro eadem mensura durationis existunt, quamvis illarum existentia ex tali cognitione procedat. Ita de ratione gaudii non est possesso anteverens amorem, sed possesso pro eodem instanti reali, ex via amoris habeatur: quod in amore ex quo Spiritus sanctus procedit, contingit, & ideo gaudium est. Ex quo etiam patet solutio ad aliud argumentum ibidem insinuatum: nam etiam actus voluntatis divinae quo causantur creature, habitationem gaudi; quia licet creature non praexistant ad illum, existunt tamen & habent esse ex vi illius in eodem instanti in quo.

Objicies secundo: Deus habet voluntatem antecedentem de salute omnium hominum, ut supra ostendimus: Sed talis voluntas non est simplex complacencia de illorum salute ut possibili, cum Deus in nostra sententia, merè possibilia non amet, etiam amore simpliciter complacentia. Nec amor specialiter dicitur, cum ad gloriam terminetur ut futuram quodammodo. Nec gaudium, cum illud sit de bono praesente, & salutis reproborum non sit illi praesens, etiam in mensura eternitatis, quia nunquam erit in tempore: Ergo est desiderium. Unde Chrysostomus dicit, quod Deus valde cupit & valde desiderat nostram salutem.

Respondeo voluntatem Deiancedentem de salute omnium hominum, esse simpliciter amorem naturae humanae, secundum se considerate, & prout est capax beatitudinis & salutis: sive potius omnium hominum, prout communicant in eadem natura ad salutem condita, & ad hanc supernaturalem elevata; & desiderium secundum quid, & impropriè, quatenus ad illam in se non praesentem, & ab omnibus hominibus non possessam, terminatur: non tamen est desiderium absolute & simpliciter, quia salus omnium hominum in virtute & potentia Dei perfectè continetur desiderium autem (ut supra dicebamus) debet esse boni non habiti, nec in actu, nec in virtute, nec formaliter, nec eminenter. Unde quando Chrysostomus talem voluntatem desiderium appellat, loquitur de desiderio secundum quid & impropriè, vel quantum ad effectum: quia sicut pater desiderans filio quod doctus evadat, de mediis sufficientibus providet illis. Deus ex tali voluntate quā omnibus hominibus vult eternam salutem, omnibus confort, & saltem offerit, & preparat media & auxilia insufficientia, ut disputatione 4. ostendimus.

Objicies tertio: In Deo est propriè gaudium, non solum de bonis propriis, sed etiam de bonis creaturarum, ut docet D. Thomas contra Tom. I.

A Gent. cap. 90. ut in fine: Ergo & desiderium, Probatur Consequentia: Desiderium & gaudium comparantur ut medium & finis, vel ut motus & terminus: At cui competit terminus & finis, debet etiam motus & medium compescere: Ergo si Deo competat gaudium, potest etiam in eo desiderium repertiri.

Respondeo concilio Antecedente, negando Consequentiam: quia in gaudio de bonis creaturarum, nulla appetit imperfectio, bene tamen in desiderio, illud enim debet esse boni non habiti, nec formaliter, nec eminenter, nec actu, nec virtute. Ad probationem, distinguo Majorem: ut medium necessarium semper, nego Majorem. Non necessarium, concedo Majorem, & distinguo Minorē eodem modo, & nego Consequentiam. Licet enim desiderium semper ordinetur ad gaudium, ut medium ad finem, & motus ad terminum, non tamen semper perit illud praecedere & initiare, nec gaudium semper illud terminare, nam Deus de seipso delectatus & gaudet, quamvis sui desiderium habere nequeat.

ARTICULUS III.

C An aliis effectus voluntatis humanae, propriè, vel solum metaphorice Deo conveniant?

Constat ex dictis articulis praecedentibus, Amorem & gaudium propriè reperi in Deo, non tamen desiderium, quia istud est de bono non habito, nec in actu, nec in virtute, nec formaliter, nec eminenter. Idem dicendum est despe, objectum enim spei est bonum absens & arduum: At nullius boni affectio potest esse ardua vel difficultis Deo, cum sit omnipotens, & nihil possit ei resistere: Ergo in illo non potest esse spes. Evidens etiam est timorem & tristitiam illi non convenire, quia timor felpicit malum proprium imminens, & tristitia est de malo praesenti: Deo autem nullum potest accidere malum. Unde duo solum restant affectus, de quibus potest esse dubium & controversia; an propriè, vel solum metaphorice Deo conveniant; odium scilicet & ira, de quibus §. sequentibreviter agendum est.

§. I.

Demonstratur odium & iram non convenire Deo propriè, sed tantum metaphorice.

Dico primò: Odium non repetiti proptie 35. in Deo, sed tantum metaphorice. Est contra Suarez, Vazquez, Molinam, Arrubal, aliosque Recentiores, qui odium propriè dictum in divina voluntate constitunnt. Est tamen D. Thomas i. contra Gent. cap. 96. ubi sic ait: Ex hoc autem appareat, quod odium aliquis rei Deo convenire non posst. Sicut enim amor se habet ad bonum, ita odium se habet ad malum: nam his quos amamus, bonum volumus, his vero quos odimus, malum. Si igitur voluntas Dei ad malum inclinari non posset, ut ostensum est, impossibile est quod dispicerem aliquam odio habeat. Quibus verbis non solum conclusionem nostram clarissime docuit, sed etiam rationem efficacem ad illam suadendam insinuavit. Odium enim propriè di-